

۱۳۲۰. □□) □ ۶

اتبعون اهدكم سبيل الرشاد

صاحب و مدیر مسئول : ع . اشرف ادیب

جلد ۲ - ۹

۷ ذی القعدة ۱۳۳۰ پنجشنبه ۴ تشرین اول ۱۳۲۸

210-22 sc

وثائق تاریخیه

تاریخ حربك وثائق رسمیه سنی تشكیل ایده جك نشریاتی تثبیت
ایتمك اوزره وثائق تاریخیه دیه بر قسم آریور و بوهفته ظرفنده نشر
اولونان وثائق بر وجه آتی درج ایدیورز :

بیاننامہ ہمایون

حربیہ نظارتندن بالعموم مواقع عسکریہ تبلیغ قلنان بیاننامہ
ہمایون صورتیدر :

دولت علیہ مزك صلح یورولکی جهانك معلوم و مسلمیدر . عثمانیلر هر
ملتك حقوقه رعایت ایدرلر : هر ملتك ده بالمقابله حقوق عثمانیه رعایت
ایتمسنى ایستلر . عثمانیلرک هیچ بر حکومت حقنده سوء نظری ، سوء نیتی
یوقدر : بنابرین کندی حقلرنده سائر حکومتلرک شعار مصافاته مغایر
حرکاتده بولناملرینی طلب ایتمك حقلریدر .

عثمانیلر هیچ بر قومك سعادتتی ، ترقیاتی اخلاص ایتمك آرزوسنده درلر ؛
کندیلرینك سعادتته ، ترقیاتنه ده دیکرلرینك حائل اولسنی تجویز ایتملر .

مملکتمزك محتاج اولدینی اصلاحاتك ، علی الدوام مصادف اولدیغمز غوائل
عظیمیه رغماً ، بحسب الامکان پی در پی اجراسیله اهلیمزك استکمال اسباب
سعادت واستراحتنه چالشمقده اولدیغمز حالده وطن عزیزمز کوزلرینی دیکن
وترقیات تدریجیه مزك دوائی امل غیر مشرورعلرینك حصولی کیتدکجه دهازایده
تصعیب ایده جکنی بیلن کوچك قومشولرمز اصلاحات وترقیاتمز انکشافنه
مانع اولق و غوائلزدن استفاده ایتمك سوداسنه دوشه رک توحید افکار
وولایات متجاورهمز توجیه سودا انظار ایشلردر .

عثمانیلرک جلادت عالم پسندانسنه بالدفعات جلوه کاه اولان بلغارستان
وصربستان و یونانستان و قره طاغ خیال پرستاننك اقوام عثمانیه نك محافظه
وطن ایچون آلتی یوز یوقدر سنه دن بری فدا ایتدکاری جانلرینی دشمنلرینه
نه قدر بهالی ویرمش اولدیغندن تغافل و ممالکمزك اقسام سائرهنسندن بعید
ایکی ایاتمزک بر دولت معظمه ایله بر سنه نی متجاوز مدتنبیری باشلی باشنه
قهرمانانه حرب ایتمکده بولندیغندن ده تجاهل ایده رک سرحدلرمز قوای
عسکریه سوقنه قالدشملرینه بناء نکجهان شجاعت عنوان مملکت وحامی حیت
نشان ناموس ملت اولان عسکر اولادمک سلاح آلتنه جعنه مجبوریت حاصل
اولمدر .

بناءً علی ذلک شیمدیلک برنجی وایکنجی مفتشکلارنده بولنان نظامیه
وردیف و مستحفظ قطعاتنك تماما و اوچنجی مفتشکل داخلنده کیلرک قسما حال
سفر برییه وضعی اراده ایتدم .

آباء واجدادکزک ، سزک سعادتکز ایچون مبارک قانلریله یوغور -
دقلمی ، سزک استراحتکز ایچون عزیز جانلرینی فدا ایده رک بو کونه قدر
حفظ ایتدکلمی خاک پاک و وطنك مدافعه سی وظیفه مقدسه سی بو کون سزه عائددر .
هر ذره سی آباء واجدادکزک اجزای مبارکه وجودندن مرکب اولان
اومقدس طوپراقلمی ، آباء واجدادکزک مقبر منورلرینی دشمن آیانغی آلتنده
چیکنتمه مک ، اولاد واحفادکزک ملک مشروعی تجاوزاتدن محافظه ایتمک
عهده کزه متحم بر ذمت مقدسه در .

دشمنلرمز سرحدلرمز طویلانیورلر . بتون مقدساتمزی پامال ایتمک ،
آباء واجدادکزک میراثی الکزدن آلمغه ، اولاد واحفادکزک سعادتتی محو
ایلمک حاضر لانیورلر . اجداد عظامکز کی سزکده کمال شجاعتله وطنی
محافظه ، ناموس ملتی مدافعه ایچون حدوده همان شتاب ایله مادر وطنه
اوزاتبله جق دست تجاوزی سیف جلادتکزه کسه رک شانلی آباء واجدادکزک
آلمر کی ستایش جهانه لایق خیر الحفلری ، برادرلری اولدیغکزی عالمه
کوستره جککزدن واجداد پاک ارواحکزک داستان حماسه مناقب مظفریاتکزی

علاوه ایده جکزدن امینم . جناب حق سزی دائماً منصور ، عثمانیلر فتوحاتکزه
مسرور ایتمسون .
تاریخ انتشاری ۲۸ ایلول ۱۳۲۸
محمد رشاد

قره طاغك اعلامیه حرب فطره سی

قره طاغ حکومت قرالیه سنك حکومت عثمانیه ایله ظهور ایدن برچوق
سوء تفهملری و اختلافاتی برصورت دوستانده حل ایتمك صرف ایله دیکی
مساعینك نتیجه سز قالمسندن دولایی متأسفم .

متبوع مفخم حشمتلو قرال برنجی نیقولا حضرتلرندن آلدیم مساعدده
اوزرینه ذات فخیانه لرینه عرض ایلریمکه بو کوندن اعتباراً قره طاغ حکومت
قرالیه سی سلطنت عثمانیه ایله اولان بوتون مناسباتی قطع ایله کرک عصرلردن
بری طائشامش اولان کندی حقوقی ، کرک سلطنت عثمانیه داخلنده بولونان
قارده شلرینك حقوقی استحصال وظیفه سنی قره طاغیلرک سلاحلرینه ترک ایتمشدر .
استانبولدن مفارقت ایدیورم . حکومت قرالیه قره طاعده بولونان
عثمانی مأمورلرینه پسپورطلرینی ویره جکدر .

۲۵ ایلول ، ۸ تشرین اول ، ۱۹۱۲ امضا : پلامناح

دولتمك باب عالییه ویردکلمی نوطه

زیرده واضع الامضا اولان آوستریا و مجارستان ، انکلتزه ، فرانسه ، روسیه
و آلمانیا سفیرلری باب عالی طرفندن اصلاحات اجرایی حقنده علناً اظهار ایدیلن
امل ونیتی دول خسه نك سندن اتخاذ ایتدکلمی و آوروپای عثمانینك لزوم
کوستردیکی اصلاحاتی و بونك اهلینك خیر ونفعی یولنده ساحه فعله ایصالی
تأمیناً اتخاذی ایجاب ایدن تدابیری برلین معاهده نامه سنك ۲۳ نجی ماده سنك
و ۱۸۸۰ قانونك روحنه توفیقاً باب عالی ایله همان مذاکره ایده جکلمی باب
عالیه اخباره حکومت متبوعه لری طرفندن مأمور ایدمشلردر .
آزاده بیاندکله اصلاحات مذ کوره حکومت عثمانیه نك تمامیت ملکیه سنه
خلل کتیره میه جکدر .

بالاویچنی ، ژهارد لاوتر ، پومپار ، کیرس ، وانکنهایم .
درسعات ۱۰ تشرین اول ۱۹۱۲ - ۱۷ ایلول ۱۳۲۸ روی ،

باب عالیینك هوائی

باب عالی بونوطیه جواباً تشرینك برنده صباحلین ساعت طفقوز
بوچوق راده لرنده زیرده کی نوطه یی آوستریا و مجارستان سفارتنه تودیع
ایتمشد :

حکومت متبوعه لری طرفندن مأموراً آوستریا و مجارستان ، انکلتزه ،
فرانسه ، روسیه و آلمانیا سفیرلری حضراتی طرفندن ماه جارینك اونجی
کونی باب عالییه وقوع بولان تبلیغات جواباً زیرده واضع الامضا ذات حضرت
حضرت پادشاهینك امور خارجیه ناظری ، سفیرلر حضراتنك ده بالذات
مشاهده ایتدکلمی وجهله ، حکومت سنیه نك ذاتاً آوروپای عثمانی ولایتلرینك
لزوم کوستردیکی اصلاحاتی قبول و ادخالی لزومی تسلیم ایش اولدیغنی کندیلرینه
تخطر ایتدیرمکه کسب فخر ایلر .

حکومت عثمانیه بواسطه حاتی هر دورلو مداخلات اجنبیه خارجنده اجراییه
عزم ایتدیکمی و اصلاحاتك بوشراط دائره سننده اجرایی ممالک عثمانیه نك
بوجز شک سکنه سنی تشکیل ایدن عناصر غیر متجانسه آراسنده قانون اساسی
عثمانینك روح حریت پرورانه سی داخلنده آهنک و امتزاجی تأمین ایده رک
مملکتک سعادتته وانکشاف اقتصادیسنه خادم اولقدن خالی قالمایه جغنی تخمین
ایله دیکی جهته اصلاحات مذ کوره یی کمال قناعت ایله نظر اعتباره آلمشدر .

شوراسی شایان قید و اشارتدکله ولایات مذ کوره نك احوال داخلیه سنی
اصلاح یولنده شمیدی قدر وقوع بولان تشبثات مختلفه منتظر اولان عرائک